


梅亭先生四六標準

十一

四
六
標
準



梅亭先生四六標準卷之三十三

宰

通寧鄉周知縣 塚

絃歌愛人願效縣公之役會計試吏冒干簿正之
供是非尋常之託根請裁四六而張本恭惟某官
大明具美天分素高家聲早著於魁三世德不專
於爵一安劉必勃破操在瑜學配前聞肯俯貪於
蝸蚓律設大法謂徑掣於鯨鯢居然婆娑尚此盤
礴得非堅車大艦利用遠遊寧有巨棟脩梁驟堪
轉致頗聞三異具見一同非百里材姑繞蟻封而

試馬爲萬乘器會扛龍鼎以函牛長沙令之讀五
車綴班雖晚洛陽生之對半夜趣召可期某學不
踰人飢來驅我苦乏長裾之飛譽姑從矮屋以立
身先達者爲之前定包荒於後輩大事則從其長
足藏拙於小官冒然而來恃此不恐人果不可無
勢豈矜駕御之能士安得獨自高尚假比隣之庇

通崇仁曾宰 穎秀

曉行湘水我方尋欵乃之歌春靜巴山君來賦爲
于之曲非鈞魴之厚味漫致鯉於長鬚恭惟某官
忠恕家傳倫魁世業恢恢游刃如錐之處囊中在

在黟纓皆羅而致悞下適通玉籍屈縮銅章願避
譚公之維私不云贛水之可厲維寶唐之褊邑固
麻谷之舊邦錦製此來繡行甚寵改邑不改井易
地則然有土此有財得人焉耳奉潘輿其孔邇馳
魏闕以非遥某兩鬢白紛隻身墨隱昨班文石不
能誨館下之諸生今戍武岡幸不失黔中之上佐
出晝尚遲於三日受滕願託於一墨操韓子赤縣
之權晉妾于於薄少荒鄭虔蒼苔之屋尚見瓦其
歸來

代回常寧曹宰輔世

不稼取禾我謾持於漢橐及瓜代戍公已趣於曹
裝一介惠然雙鱗厚甚恭惟某官百里爲令三年
有成不求赫赫之名見思所去雖聽鼔鼔之鼓有
挽無推交章翕然增秩近只佇公侯之必復豈州
縣之徒勞某骯髒雲司超騰水部會且歸矣不當
戀仗馬之芻行或使之猶復見飛鳧之舄

回武岡許縣令大用

強顏貳郡慙非典午之材箝尾爲僚喜有同寅之
幸曾修辭之未暇辱垂問之相先恭惟某官精神
五兵肝膽一劒積月書於右序已播英聲奉天對

於左廬更登峻級方西北二邊之未靖何東南一尉之足淹行矣章交函其王覲其無能教胄頌使轉承雙鯉得尺素書良勤垂念從一騎蹕五百里即遂承顏

回武岡薛縣令 仲庶

聞三鳳之聲未皇識面聽雙鳧之鳴良喜足音尺書惠然三復感甚恭惟某官材優世用學贍家傳蚤安枳棘之棲簿爲之兆繼領銜揚之寄民自不寃亟爲製錦之謀可見鳴弦之志惟此黔巫之鄙異乎江浙之間下若牛馬上若熊羆從昔少久而多石大不鯨鯢小不虺蜮乃可宣化而承流公行勿違民望收厲某婁涼半刺僥倖同寮歎乃一聲定樂薛存義之至統如五鼓幸遄鄧伯道之來忻幸良多敷宣罔旣

回綏寧野令 杓

榮離霧隱出宰雷封維今巫水之碯雖云巖邑在昔夫夷之長固有聞人恭惟某官闕里故家良弓宿學三仕爲令從知學製之精萬里封侯行見弃繻之勇茲來蒔竹已及成瓜下若牛馬上若熊羆飽看竒壯大不鯨鯢小不虺蜮正藉撫摩某典午

非材同寅有幸許丞重聽猶能聞欸乃之一聲鄧
侯肯來諒不俟統如之五鼓

回武岡許令

教胄本朝久歸來於茅屋負丞支郡偶及代於瓜
期夙聞戍削之標將托寅恭之契未皇注記先辱
撫謙伏惟某官氣稟沉雄性資果毅對擒胡之月
盍策勲名戴作縣之星頌勞撫字佇民庸之入奏
承天寵以造歸某倚席不材題輿非據貳郡長縣
固胥齒之相依體國愛民願腹心之無隱

代回丹徒姚知縣

重六三十三

宰山水之縣知在近郊聞弦歌之聲未瞻遠器敢
圖往記施及汎負恭惟某官籍甚人門歸然地望
善刀出匣其孰嬰紫電之鋒結綬登畿傾斜取青
雲之勢多景誰如於北固辦香寧舍於南豐聯云
茲操權於赤縣姑歛惠於黔氓繭絲乎保障乎定
知緩急魴魚也陽橋也決有後先雙鳧之舄翩然
五鳳之醕近止某畫墁無補巢幕奚為望金堂石
室之間無因而至感繡段瓊英之贈藏去為榮

代回江陰何宰題博

送紙上之軒昂皆我輩語就暗中而摸索乃吾宗

家有味其言不知所賀恭惟某官人門具美天分
仍高日食萬錢盡追隨於伯父地方百里何局促
於子男聊繼益昌之功名即見中牟之除寵某日
之夕矣人謂斯何乘輿而來漸有回舡之意同姓
爲近空餘推轂之情

回成都呂知縣大全

箝尾青油之幕那暇笑談傾心赤縣之官鼎來材
傑聞鳧鳧之近只得書鯉而躍然恭惟某官渭釣
名家蜀珍粹望恢乎遊刃豈難解盤錯之根飛不
盡翰殆欲培扶搖之翼盍班玉筍頌擁璧蒲士元
非百里之材便應別駕成都有萬事之好是在長
官錦製奏功緜緘入覲某全提迂拙冒涉險艱舍
嵩印一室之書無能爲役投成華兩縣之間何處
有詩

代回新昌詹宰繼

孤鶴重來恍難尋於舊侶雙鳧西望猶未廢於故
情相贈以言足華其老恭惟某官早持雋望見謂
通材學道受人固自不妨割雞之用治中別駕亦
何足爲展驥之謀種桃李於春風接蓬萊之雲氣
去天尺五孰云多而不揚擊水三千願少安之無

躁某崦嵫日薄嶰谷地寒簪筆甘泉聊為覆蕉而
尋夢挂冠神武豈須叢挂之移文

代回趙萍鄉

彥達

名駒千里夙聞佳公子之聲烹鯉尺書未忘舊令
尹之好方當執熱如對調水恭惟某官遠派天潢
早梯月窟卓犖千萬人之敵足亢磐石之宗低回
三十載之間始入金閨之籍楚萍如斗陶柳皆春
不惟吏泗而民吡料亦庭空而旅實爾表得游庠
序又見賢君天使亦好官負恐成故事某自慙揚
批安有憇棠老鶴乘軒可笑翅翎之短飛鴻踏雪
空驚指爪之留

原三十三

六

代月湖回吳宰

困

振履光臨屬辭寵賁靖共正直得之眉宇之間雅
健雄深粲然毫楮之上君言雖過我心則降恭惟
某官敏手決科洗心從政盤根而別利器游刃若
然促柱則少和聲鳴絃自若頰聞鑊湯茗椀之句
仍見髯翁推子之詩已窺一班復尋尺素六察六
院本以待邑最之來三沐三熏決不在時材之下
某過勤委重莫可報嘉逢人而說項斯當無回隱
作書而見子布徒取嘲嗤

回鹽官林知縣申

懷赤縣之章聞將引綬依綠水之幕行或望塵未
遑名姓之通猥沐緘滕之寵恭惟某官風猷夙敏
業履端溫杞梓之材異材是宜作室瑚璉之器何
器而使在山板輿欲覽於王畿蒲璧故來於京邑
切聞潮浪頗蝕邑封必欲種河陽之花不若捷淇
園之竹行觀驅鱗亟遂飛鳧某贊畫非材底寮有
幸癡公事未了也正懼寮官新令尹仁矣乎當期
儆誨

回李知縣

真三十一

庭可雀羅辱再三之相遇門無鳳字有四六之見
貽委重良多報嘉不腆恭惟某官器資肅括才具
碩膚祭彤方果於鉏姦即墨遽從而造毀令尹無
愠色亟歌歸去之詞童子有仁心迄動巡行之歎
再試巖邑四達通衢人疑故步之迷君若新硎之
發吏才如此難逃六察六院之除公論則然何假
一話一言之贊某緬懷先德幸接後塵力足爲器足
施非所求於我也問則告疑則辯敢有吝於公哉

代回俞知縣

剡升陟之章真成備數鳴謙撝之德更費屬辭受

之過情謝若爲語恭惟某官槐根之正蘭茁其芽
窮武陵之源吾爲爾宰歌滄浪之水清畏人知意
有雉馴可無鷄薦某過勤四六嘉歎再三雖則七
襄覺成章之匪報儉於百里願賦政之又新

代回弋陽曾知縣

煥

刺手按鯨欠丁官之下取長鬚致鯉與甲藁以借
來不謂垂橐而歸將有埒國之富恭惟某官汲古
得綆績文有機夜雨聽阿房之篇英詞偉甚春風
接曲江之席舊夢瞭然謂已方駕於蓬萊乃猶讀
書於松挂古風一覽恍今日之未聞大冊載觀尤
小生之所畏贈我繡段多矣期君蟠桃可乎某何
與斯文亦聿旣羣角巾東路諒無煩閔尹之迎辦
香南豐請歸爲宗泐之賀

代回餘姚趙知縣

希祐

聞武城之弦居多遠韻剡公車之牘輒及通材嘗
試言之無可謝者恭惟某官月題千里風翻九霄
鯉趨過庭早有聞於夫子虎拜稽首將是似於召
公觀其製錦之操刀足可衣繡而持斧參諸衆見
僭以名聞蓋欲備良師帥之儲非止託賢父兄之
契某重蒙四六熟復再三舉之愛莫助之更期進

德老矣無能爲矣何敢獻諛

代回長沙楊宰

宜中

不鄙雀門見迂鳧馬特枉咫尺書之教仍惠二百
篇之詩拜賜便蕃滿心銜戢恭惟某官清材汲古
奧識洞今作賦摩空阿房之搢笏已晚聞弦莞笑
長沙之短袖難旋禹稷用心固已失薛郇蘇郭之
輩孔顏素學猶不廢房杜王魏之流至於佳句之
耽更覺良工之苦取數多矣受言藏之此士落江
湖宜爲時出諸公益臺省會以名聞某何與斯文
亦聿標三三三龍鍾韓子低頭負東野之慙刻畫無鹽

捧心漫西施之學

代回當陽林宰

鑑

老夫耄矣曳履可慚令尹何如飛牋見問恭惟某
官名父之子克世其家學裘之功已深寧能無譜
製錦之技旣敏會即策勲某自笑龍鍾寧堪鳩僞
空憐往日識野鶴於未仙猶幸殘年見名駒之汗血

代回麗水張宰

元渙

西崦投閑冒誤恩之起發南鄰借潤駢好語以嘘
枯返璧未能報瓊何有恭惟某官人門秀整地望
高華鳧未來京花已開於蒲縣蝗不入境麥自熟

於兩岐行用最聞即膺世選某髮真種種心已休
休懼方命之見誅聊強顏而入侍不能者止更數
月以乞歸儻疾其驅或一面而後去

代回常寧曹宰

輔山

老夫耄矣誤隨弓旌之招令尹何如更加錦繡之
贈寘慙無所懷感有之恭惟某官抱挾長材踐揚
臚仕展驥足於百里料亦賢勞缺鹿鳴之三章猶
稽改秩權勢逼迫無患有司不公政化流聞惟善
能舉其類蠖伸於屈鵬怒則飛姑安種秫之期以
俟及瓜之代某儀圖莫助有味薦賢借聽於龍聳求
道於盲莫報勤渠之意加膏而光養根而實更伸
頌禱之私

代回興寧廖宰

槐

飛鴻踏雪談舊事以無人烹鯉得書喜故人之有
子因之喚夢何以報嘉恭惟某官父教之忠世濟
其美早回翔於簿領似屈鸞棲稍劇決於糾曹諒
多鸚薦顧動鳴絃之興欲明製錦之材會觀棠蔭
之成亟騰善最雖在梅花之外必有賞音某夕陽
在山浮雲出岫咫尺之間乃象篋笥之不遺千里
所期願以民社而自愛

回家知縣

午仲

妻生日

某不腆糟糠值此瓦礫之旦何勤翰墨燁然黼黻
之詞調固仰於彌高歌亦慙於不類同我婦而盭
南畝但切懷歸跂彼女之織七襄竟成匪報

回新西水勾龍知縣

僮僕來迎知已返柴桑之里舍館未定無敢過干
木之閭敢圖將進趨趨之間竟蒙先垂特達之顧
恭惟某官蜀都秀望漢殿魏科跨躡健悍良鬱康
莊之驥步鞭笞鸞鳳又棲官舍之燕巢茲聞西水
之鳴琴行趨東風之叱馭劍門天下壯諒皆收檻
於曾中閭州城南稀更合包羅於筆下藉未召卓
茂於密令會有言苟變於衛侯某茲戍雪邊在公
宇下置漢陽之璫方當求聽於鯁言種河陽之花
又恐亟飛於鳧舄

回新榮德王知縣

子勉

倦甚衰翁已作歸歟之計賢哉令尹甫聞至止之
音有勤屬辭良高陳誼恭惟某官才優世濟學富
家傳頌聖主之得賢遙遙風烈移忠臣而為孝挺
挺雲仍若為牛刀之割雞更欲蟻封而試馬三榮
之強名郡縣并有仁焉兩年之括利錙銖泉之竭

矣或恐一雞之損尚俟雙鳧之來幸疾華鑣以別
利器某崎嶇一障坎壈兩暮秋水落霞已決尋盟
於鷗鷺春雷奮地尚觀運化之魚龍

回王知縣

應西

求士爲國輒剡牘於公車博我以文敢收恩於私
室一謙厚甚三復悚然恭惟某官學問淵深器能
疑遠揚雄有河東之賦吹噓宜上於九天溫造空
冀北之羣羅致敢違於三月茲表一鶚聊助雙鳧
何勤四六之貽更致再三之謝某推轂有味引鼎
不程諸侯薦人與之諸侯安敢自必於天子國士
遇我報以國士所祈自拔於衆人

標三三三

十六

回遂寧青石席知縣

伏以十年一別謂已造於筍班萬里重來胡尚淹
於花縣遠勤一介見畀雙鱗恭惟某官政地名家
祖風餘韻故國之非喬木將在蘭蓀大厦之無弃
材寧遺杞梓碩限七階之選復疇百里之庸會由
晉興徑登魏闕某去此十暑依然一寒不虞再辱
於陶甄俾守三榮之堡障紙書賢於十部過勤聯
璧之歲雖則七襄終愧雙金之報

回盤石李知縣

一麾假守獲託鄭鄉十部貽書過勤卹翰愧先施
之不敏仰厚意以安窮恭惟某官唐太白之家蜀
仲元之孤麟爲聖人出也亦旣在郊鳳覽德輝下
之是宜巢閣頌岳一同之尹式騰三異之聲君子
學道愛人亮牛刀之立解縣令承流宣化佇鳧
之橫飛某濫號專城適逢鳩澤是邦大夫之賢者
何以教之吾黨小子之斐然願有請也

回劔門王知縣

分榮德之麾濫乘一障聞湛恩之闕寶冠四封未
遂盍簪猥勤貽翰恭惟某官人門具美天分夙高
此笏乃今甘棠式光龜組故國非謂喬木蓋在象
賢藉魁竒忠信之才守崢嶸崔嵬之險佇交鸚薦
徑作鳧飛某濫剖銅符獲依珂里未見顏色願聞
拔薤之規聊欲弦歌尚邇伐柯之則

回新應靈趙知縣

與佩

瞻五潢之派知敬清流懷百里之章將迎新尹有
勤一介先畀雙麟恭惟某官大雅不羣小宗繼別
精石渠五經之學豈必秘鴻寶之藏酌玻璃七寶
之盃自合受龍巾之寵乃肯宰山水之縣殆欲聞
絃歌之聲一同驩然三異近只某濫茲試郡幸甚

得朋似聞製錦之刀既有所試更冀發硌之刃早
疾其驅

回三縣知縣

出幕罔功一星周矣分符非據二火燁然賴有同
官之良或可聯事而治伏惟某官揆才膚敏迪德
浚明學古入官小試子男之國疑民以政共知父
母之心佇交一鶚之章即趣雙鳧之覲某濫茲假
守幸甚為僚共惟帝臣正賴同心之協濟頗哀老
子諒無袖手以旁觀

回資官文知縣

東三十三

無嚴諸侯必反之君方養勇與老人期後何也僕
欲踐言比立青紫囊以馳欲易黃皂衣之擾不虞
返旆便自寒盟同僚敢不盡心特闕大體未信以
為厲已姑示小懲茲望白圭之磨且聽青氈之後
信近於義言可復也已更寬期會之程過而能改
善莫大焉幸無詫催科之拙

回新宜賓黃知縣

地

恭審祭分蒲璧入覲蘭陔牛刀割雞更遡倒流之
三峽鳳簫駕鶴來寧未老之雙親喜氣先驅歡聲
夾道恭惟某官器資膚敏業履崇茲讀江夏未見

之書盍登東觀講延平相傳之學宜侍西廂若爲
出邾子之城還又宰棘侯之國烏殆思於反哺燕
亦急於歸梁種蒲縣之花聊復爾耳采行潦之藻
其順矣乎付談笑於青油養聲名於丹闕鴻漸于
陸不素飽也正佇來儀鶴鳴在陰其子和之何辭
好爵某蹢躅老矣蹉跎依然但深吾愛吾廬之思
濫叨我任我輦之役所幸依闥外之制且獲聞庭
下之趨悵銅駝陌上之十年獲金馬坊中之再見
莫懷漫刺驚辱儷箋數面成親况嘗綴葭莩之契
論心道舊所願聞藥石之言忻幸唯深殷蔡罔旣

回崇仁趙知縣

鄰扮榆之社聞飛禮樂之英宰松桂之林知報詩
書之政萬里偶馳於蜀道一塵實受於滕仁未皇
馳箋猥辱委翰恭惟某官不羣卓爾無敵飄然熏
南豐之香文章有種樂東平之善性行無瑕摘髭
俯拾於魏科策足宜騰於要路留連栖鳳邂逅飛
鳧當師旅飢饉之餘得賢明慈惠之長佇交鸚表
徑上鴛行某弱念易盈老形已具我任我輦設令
直指以觀風吾愛吾廬但願曲肱而飲水惟是玉
川之破屋仰依蒲邑之茂林易地則然行亦返曾

子之室得人焉耳會當聞言偃之弦

回丹稜范知縣

乙孫

眉州荀監酒

辯之

眉

州李監稅

詰甫

山壘終更已上投閑之請江鄉改牧莫知誤渥之

由方露悃以控辭荷雲旻之委脫恭惟知縣人門

具美天分素高暫紆臺閣之登屈試絃歌之政監

酒典刑茂著學問深醇差池宦路之老成主當糟

丘之醲郁監稅器質疑粹學業端深巍哉名第之

英淹卹征商之摧恢恢才刃足立解於千牛整整

華鑣可坐空於萬馬佇公車之交刻即要路之疾

驅某五技已窮再鼓愈淡已乞歸銅陵之磴或許

告還儻共飲玻璃之江尚希愛助

回青神權縣嚴縣丞

曹

聞蜀莊之珍幸於既見見韋邠之牘得所未聞報

不成章還若為贅恭惟某官岷峨峙秀江漢濯靈

貢鄉英門率出下風之請以春秋對亟膺上計之

招居然全材屈此贊府有來寄旻於紫紵知既攝

宰於青衣佇奏一同之庸亟登三異之最躡故跡

破崖岸端使然哉馳閭闔入凌兢自此升矣某濫

叨治將遂為僚昌黎接後輩之名何為至我藍田

愁羣山之望行又見君

回新神泉史知縣 大川

依芙蓉之幕嘗辱贈言宰松桂之林未皇執訊茲
守鳴珂之里過蒙投璧之光恭惟某官器宇宏深
丰神峻整陽休山立克世金魁之家玉潤冰清近
續符溪之學暫牛刀之小試即鸚表之交飛論坡
穎歐蘇之交既聞耳矣嗣嚴揚陳李之響尚寓目
焉某未果避堂先蒙枉駕拜關睢五章之賦真盈
耳以洋洋歌白駒一束之詩無遐心而皎皎

回新都史知縣 季温

聞武城之歌未窺半面讀阿房之賦敢斬一言粗
欲無患其不公敢冀有文以相接恭惟某官玉壘
名闕金魁故家文勝質質勝文不難百勝學優仕
仕優學信是兩優戰青袍白紵之中鏗綠綺黃鍾
之韻比見天地人之策本本元元可知果達藝之
材恢恢焯焯漫爾吹河東之賦俾之空冀比之羣
某叨領竹符獲依扮社於我本無怨而無德詎敢
收私室之恩贈行不以頌而以規更願直大庭之

對

梅亭先生四六標準卷之三十三

梅亭先生四六標準卷之三十四

丞

通寧鄉陳縣丞愷

武功之丞簡靖久矣沐芳臨邑之簿卑棲茲焉假
蔭敢以尺書之敬進於再拜之先恭惟某官遠抱
甚都壯猷孔碩清明志氣曾中風月之無邊沈浸
文章筆下源泉之不擇盍徑要津之立顧淹贊邑
之留鳳凰自下而升高聊復爾耳鴈鴛鉗左而摘
右端使然哉雙陸之勢無休九萬之程斯下某崎
嶇副墨漫浪勾朱士安得自高妄欲比鄰之託余
方有公事願聞掃溉之吟

回桐廬朱丞中肖

短啓代庖已忘西施之唐突長牋倒廩尚憐東野
之龍鍾一謙之光三復以愧恭惟某官人門濟美
風調軼羣觀東閣之竒詎當相吏歌南陽之直真
足自強試窺千萬琳琅之毫芒豈以八九雲夢而
芥蒂對藍田千挺之竹肯負丞哉續桐江一絲之
風今召君矣某見賢不敏拜賜何居士廉未識挑
椎亟當進謁永叔強差韓愈願勿失言

回華陽李丞栢

題曲江之名夙嘗託契贊武功之理茲幸為寮方
有候於中消乃先勤於下問恭惟某官行無瑕類
學有本原充長吉錦囊之文命騷可僕飽鄴侯牙
籤之讀繼別為宗胡為再命之材淹此一同之貳
鴈鶩鉗左而摘右端使然哉鳳凰自下而升高將
在此矣某冒嘗險阻全蹈拙踈數同年琴上之星
感舊游之如夢共萬里橋邊之月幸末路之得朋

代回武進陳縣丞貴成

名家勝士自有公言助國舉賢古無私謝枉長牋
之委重搔短髮以寘慚恭惟某官千里名駒九苞

八標三二四

威鳳大科異等一翁二季之相望茂實英聲七略
羣書之兼總謂即登瀛洲而給札猶欲破崖岸而
為文余不負丞丞負余誰其知者學而優仕仕優
學似是兼之無謂我豈要子隣始為人識亦知吾
徒得君重少應時須所愧明陟之章適引暗投之
惠某三復墨妙十襲珍藏儀圖之莫助之更期進
德匪報也為好也聊復成章

回樂安趙縣丞彥彬

老驥嬰跚猶戀天山之秣名駒竒俊適追電影之
鞭幸許論交過勤執訊恭惟某官近於大雅博以

羣書太白詞章宜有六丁之取更生經術豈無太
乙之知不應賜第之餘復作贊公之試鴈鴛平立
未妨破崖岸以爲文鸞鳳高翔會即決雲霄而布
武某爲寮有舊辱問相先揣弘景之頭顱歸已晚
矣畫嚴丞之手版猶願見之

代回樂安趙縣丞彦於

推士轂而及丞味言何有旁使車而從子哦句已
來一謙之光三復以愧恭惟某官諸劉族屬爲漢
宗英馳閭闔入凌兢則爲宜耳去角牙破崖岸端
使然哉剡三載之陟明愧一言之不知然無華乃

代標三十四

安靜之吏則所美豈般輩悅之文有望於君不孤此
意某已成歸計更辱贈言布襪青行纏吾已從此
逝矣珠宮紫貝闕子盍歸而求之

代回樂安趙縣丞彦於

題藍田之壁君受代以不遙厭承明之廬我治任
兮更迫何勤委翰仍費屬辭恭惟某官以貴王孫
爲名進士巖邑更刃之後非復昔時贊公游刃其
閒疑有餘地及瓜近只按茹誰歟敢愉陟明之章
少寓愛助之意某投簪不力曳履胡顏以一身而
備百工葺可已矣總羣書而奏七略子必勉之

回錢塘趙縣丞彥的

余方有公事鼎來赤縣之官曹我未免鄉人益愧
白頭之幕府有勤執訊敢闕報章恭惟某官卓爾
不羣飄然無敵尋玉清洞中之字已書會計之功
展錢塘江上之圖更動吟哦之興手版暫煩於畫
地觚稜何遠於去天某轍鮒孤蹤磨牛陳迹喜似
人於千里况辱託於扮榆雖異事而同寮尚不遺
於葑菲

回富陽趙縣丞光祖

倚使者之車笑癡兒之未了題丞哉之壁聞公子

八集三二口

之鼎來未果修辭先勤執訊恭惟某官五潢龍種
千里駒材早宣采捧之威坐獲綠林之賞雁鷺籍
行而平立端使然哉鳳凰自下而升高恐不免耳
某強名入幕正愧面墻赤縣官曹喜依仁之有幸
黃塵衣帽或分蔭之自今

回益陽李縣丞

江西之有宗派昔已論交湘水之逢故人今將聯
事尺紙良勞於遺遠白頭何至於如新恭惟某官
翰墨勝流典刑前輩人言短李釣竿已負於珊瑚
天遣長庚霞佩正垂於金甌謂進參於諸老願退

貳於一邦籍尾無辭需頭有薦某東春秋於五傳
訪離騷之一經士安得自高政欲比鄰之請余方
有公事願聞掃溉之吟

代回麗水童知丞

堯

考陟明之績輒剡需章屬比事之辭遽鳴謙德於
禮爲過此意則勤恭惟某官文獻故家詩書宿好
彼不即汝而汝即彼旣執蝮蛇余不負丞而丞負
余寧問鴈鷺烏何關於屋上黔固詠於邑中時而
颺之聊復爾耳某有二宜去以兆足行舉能其官
亦有無窮之聞仕優則學願收可大之功

八標三二四

代回宣城張縣丞

曼德

升陟一章何能借重謙勤尺牘又復拜嘉其文固
是繁然此禮略之可也恭惟某官清餘家法敏有
吏材翠竹深林久已觀於停峙老槐古縣茲良費
於吟哦無俟書來亦當剡入未見分毫之補又勤
四六之貽某辭璧未能報瓊又乏樓臺近水柰何
秋月之闌干桃李成蹊佇見春風之披拂

代回宣城張縣丞

曼德

厭承明之廬我動歸歟之興題藍田之壁去公傳至
止之期四六鼎來再三復執恭惟某官黻纓華秩

簪筆名家再轉為丞坐閱十年之久一鼓作氣會
搏萬里之程願奮龍文虎脊之精神靜聽蟲臂鼠
肝之造化某自知日薄豈可夜行疲馬之戀君軒
已將告老騎驢之到京國猶及語離

代回海鹽梁丞

成章

五雉分工近承誤渥雙魚尺素遠認故情恭惟某
官拾芥有年哦松何晚翦伐誰能送只令志士之
嗟精悍無所聞正自可人之意猶借齒牙之餘論
見華喉舌之納言某似是水曹已承天寵告者過
也想以為司馬之官行或使之惟當返屠羊之肆

八標三二口

六

回崇仁朱丞

况

文昌之座高華偶然序進武功之官簡靖亦以書
來所愧陳人有慚善頌恭惟某官天葩吐藻地芥
決科鸞鳳高翔時來則為之耳鴈鴛平立丞豈端
使然哉似聞臺府之見知又欲弦歌而相試解牛
既效薦鷄何疑某司臬無庸僞功有命老夫耄矣
恐孤喉舌之納言曷月歸哉猶借齒牙之餘論

回彰明黃縣丞

巨

老我蹢躅甘一麾之出守故人騰踏甫再轉而為
丞馳情室邇而人遐示問禮踰而情過恭惟某官

金華一派玉井雙流煎瀘川之茶忘酸寒之異味
賦燮道之笋尚冠冕於兩川獨怜曾次書傳之香
方從此中文字之樂鴈驚箝左而摘右端使然哉
鳳凰自下而升高恐不免耳某凄其一別瞠若百
罹立館下招諸生嘆藜藿之亡味坐堂上稱太守
驚杞菊之已莎方欲求拔莖之規乃聞對哦松之
壁桃李春風一盃酒尚佇來歸風霆劇談九河翻
願安承教

回江原郭縣丞允并

展履迎門未皇執贄文書銜袖猥沐贈言仰佩鳴

八模三

謙之光俯深盱豫之悔恭惟某官見階殫治意氣
醇明發而中節謂之和見於眉睫粲然有文以相
接示以肺肝所慙先施之未能更覺微言之難受
某欲還鯨錦懼損爾緘雖則七襄終乏檐榆之報
藏之十襲永為篋笥之珍

回新津孫縣丞庭傑

吟哦公事藍田丞端使然哉觀采風謠益州分故
知之耳有勤迂顧更費厲辭恭惟某官齊子武之
家楚叔敷之胄枕流漱石尚有典刑擲地作金粲
然文采淹回貳令之壁鏗鏘十室之弦有怜并州

之迎已孤竹馬安得祁山之出能辦木牛或錫之
輦願還此笏十鍾一石自昔固病於西南三令五
申須君更教其左右若爲委翰頗似過情某已控
需章句還節傳承夙駕之命弗敢與聞補晚賦之
章願安承教

八

梅亭先生四六標準卷之三十四

李願安承教
需章句還節傳承夙駕之命弗敢與聞補晚賦之
章願安承教
申須君更教其左右若爲委翰頗似過情某已控
輦願還此笏十鍾一石自昔固病於西南三令五
之迎已孤竹馬安得祁山之出能辦木牛或錫之

梅亭先生四六標準卷之三十五

簿

通寧鄉蔡主簿

改說

交代

望俊躔於淮海知敬儒先問遭道於洞庭偶從誤
後貂不足而狗續鴻高舉而燕來及未治任可無
執訊恭惟某官負材鴻碩蓄學駿厯中郎典刑晚
亦宜於東觀客卿富貴久盍見於西秦吾道非耶
公等安在跨揚州之鶴安得自高麾湘水之蛟能
令公喜方今漢庭之老用矣敢問吳會之意何如
某志大心勞材䟽意拙一科不補欲釣鰲而未能
五技易窮覺屠龍之無用所賴鸞鳳之先戒棲枳
何如無謂牛羊之下來求芻而止尚托子孫之契
欲窮師友之源向來一辦曾南豐苦難並世安知
四海習鑿齒不勝讀書

代回上高劉簿

昌詩

衆賢雜遝共騰薦士之章老子婆娑竊與挂名之
寵無可謝者安用文之恭惟某官節抱秋竿詞摛
春藻諸公評論謂當策足於要津何物簿書欲使
擡頭於矮屋人爭送上我亦譟旁引重鼎兮不程
問大鈞而未答某挽士不寸宜休者三遺我雙鯉

魚似虛取勤渠之辱漸階羣振鷺願無忘醇正之歸

回江夏范主簿之損

屈就棘棲榮趨瓜戍漢之廣江之求古稱夏口之
雄簿如絲訟如縻今敢秋毫之隱方圖贊喜已沐
飛牋恭惟某官翰墨功名填篋學問一門叔父慨
然孟博之登車十萬甲兵喜為幼度而折屐願就
銓曹之調俯從簿正之供難為弟難為兄正觀競
秀能令喜能令怒佇即蜚英會躡翻鸚鵡之洲見
倚賴巨鰲之釣某一寒寡與三暑投閑頃者綴文
石之班不堪教胄今茲佐武岡之治正恐負丞所
忻楚服之同尚竊晉波之及修西門種柳之課君
必勉之尋南嶽煨芋之禪我之懷矣

回綏寧譚簿尉

成子

老驥垂頭有愧治中之展名駒策足不孤簿正之
供幸游從諸父之間有稠疊同僚之好恭惟某官
美由世濟仕本學優乃翁知國如知兵手板無倉
黃之失它日聞詩又聞禮心印得清白之傳寧嫌
矮屋之卑會即高門之亢某再叨半刺不羨羣飛
士安得自高儻可請比鄰而與祭余方有公事亦

當破崖岸而爲文

回武岡黃主簿海

深叢見孤罷曾聽阿房之讀遠方遺雙鯉來司臨
邑之曹可謂聞音而楚然抑訝何見之晚也恭惟
某官源委深厚波瀾老成潁川第一之功固起甚
廉之簿江夏無雙之學蓋觀未見之書暫頃矮屋
以擡頭即快要津之策足某因功教胄承乏佐州
龔丞尚可送迎儻或免督郵之逐短簿能令喜怒
何幸同君子之僚

回蔣主簿時懋

標三五

雌伏郡丞自笑廣文之何用鸞樓簿領渠云高士
之不爲聞頌及瓜之期尚請拔薤之教恭惟某官
揆材有裕蓄學不貲黔山之嶺夙負權奇之質湘
水如舞聊據會計之材佇即飛騰徧儀華廡某卧
雲已幸分月何爲靡有他長友其士之仁者能令
公喜忠焉能勿誨乎

代回廬陵嚴簿世明

老夫耄矣不堪再鼓之衰主簿柯如猶致一牋之
賀恐孤厚意聊具報章恭惟某官瓜分釣瀨之清
文似涖園之壯驂騮開道會即秣天山之禾鸞鳳

冲霄姑少棲人間之枳文章載路增秩匪朝贈我
明月珠可見多時之歎弄乞君飛霞珮會看萬里
之頡頏某高卧北窻却遮西日軟紅可厭敢長戀
屬車之塵堅白爭鳴惟欲據槁梧而瞑謀歸决矣
因謝及之

代回吳主簿盟

昭誣辨謗方欲賀君比事屬辭何爲至我恭惟某
官居官能大遇事直前象有齒以焚身古今如此
鼠無牙而速訟事理固然幸疑似之旣明將功名
之自致暫蹶霜蹄未爲失何必尤人勿諱泥坑乃

標於五

良規願觀進德

代回永豐洪簿

尋陶潛之丘壑方此息交托孫寶之比隣惠然執
訊頌有復也何以報之恭惟某官地望穹華人門
炳蔚故國非喬木信有典刑用人如積薪寧分先
後暫勾朱之遊戲佇薦墨之飛騰某已乞垂車殆
難推轂俟有可乘之間詎敢蔽賢設或未同而言
則懼辱命

代回崇仁黃簿

元

告移文之猿鶴方此投林訪奉詔之鳳凰居然棲

抑先勤下問良哉高情恭惟某官家學深純天才
膚敏誦詩三百已多識草木之名下筆五行遂得
雋蓬萊之殿乃岳丹鈔之點暫爲朱墨之勾聊復
培鵬行且展驥某抗章納復望寵剖符賦張衡之
歸田便堪稅駕聞孫寶之祭竈尤幸卜鄰

回范主簿

君子實寫我心未遑走謁主簿能令公喜猥辱飛
牋既勞十部之臨敢發七襄之報恭惟某官器姿
瓌碩學問醇明曾中十萬之甲兵吐爲筆陣硯裏
三千之禮樂俯拾儒科便應策足於要津底用擡
頭於矮屋兩府以孫寶爲可如彼斯何百里非仇
賢所棲自此升矣某偶某燕幕例拜魚書遺我翠
織成欲卷還而不敢報之青玉案愧營度之無竒

代回上饒趙簿

汝縣

老夫耄矣陞華五雉之工鄉人好之委重雙魚之
素伏惟某官學優而仕業稱其家邑大民殷無憚勾
朱之冗政成事舉會觀薦墨之飛有憐龍鍾猶共
鳩儻某偶然曳履甚矣濫巾已再具致休之章期
於得請行重尋邂逅之願茲不瀆辭

回武岡何簿尉

強顏貳郡慚非典午之材
筍尾爲僚喜有同寅之
幸曾修辭之未敏辱世問之相先
恭惟某官精神
五兵肝膽一劒積月書於右序
已播英聲奏天對
於左廬更登峻級方西北二邊之未靖
何東南一尉之足淹行矣
章交亟其王觀某無能教胄
願使轉承身雙魚得尺素書良勤
垂念從一騎蹕五百里即遂承顏
忻幸良深敷宣罔既

回靈泉李主簿

君子之居是邦未皇進謁
它人不如同姓先辱陳
牋既感臨存亦深訟愧
恭惟某官隆山望族隴右

標三三五

六

名家飛將軍之功名寧論
妄校謫仙人之苗裔願
落夜郎進士論定而官之
公等何見之晚也暫且
出朱而入墨猶堪紆紫以
懷黃某有幸識賢特勤
委贄置一盃之水正有望
於吾宗夢三刀於梁初
何關於我輩

回長沙蕭主簿

歌鹿鳴而勸駕叨預旁觀
聞鵬化之回程已違旅
賀有高陳誼猶念故侯
恭惟某官挺秀楚材效珍
嶽貢頃觀奧義洞明
呂辟之三千固擬大庭
當擢蕭何於第一
龜果登於前列鸞暫屈於卑棲
長沙

不足回旋會計而已矩簿能令喜怒騰踏在茲惟
是資水之淵源寥乎曲江之姓字閱世三紀闔郡
一人進士業於進士同若為愛助天下寶為天下
惜當自激昂某叨守三榮將書一考已進南嶽香
火之請或可言旋儻過東園山水之亭更希勿毀

回新威遠蕭主簿

與標

鳳凰千仞不辭棲棘之卑鯉魚尺書見報成瓜之
及良高陳誼復愧過情伏惟某官卓爾不羣飄然
無敵心潛寶苑富金淵玉海之藏句滿錦囊多篆
鼎風播之作既儒科之峻擢何簿領之足淹矮屋
擡頭聊復爾耳要津策足由是而之某久於知名
行矣聯事取青媿白愧修報之弗工入墨出朱惟
疾驅之是望

回新盤石曹主簿

開驂騶之道萬馬皆瘖飛鸞鳳之驂一夔亦足未
皇候氣先辱修辭恭惟某官履行醇明風猷凝遠
吐天葩而拔俗拾地芥以決科齒清如水豈羨景
宗之笳鼓學至於海方觀子建之波瀾俯從簿正
之供密近里仁之美能令公喜公怒直為假館之
謀爾有嘉謀嘉猷又恐趣裝之入某欣聞還舍未

遑欵門諸侯不臣寓公無曰一屢之願受進士於
吾同業尚須尊酒以細論

回趙主簿

伏蒙枉顧見畀屬辭備知家學之淵源仍見詞場
之根柢繼沈侯之八詠諒有祖風吟趙嘏之一聯
肯孤宗派但深藏感曷既報酬

回任主簿 三錫

欲見組纓取瑟尚疑於將命鼎來綠綺彈琴足想
於成聲望履未先鳴謙何厚恭惟某官諸任望族
四蜀名家鄉老使興賢能以應定爵主簿能令喜

標一五

怒晚乃栖鸞屬聞纏風木之悲未敢干水薤之教
揀蒙袂葺屨之餓乃辱協心推纓冠被髮之仁可
占用卅朝祥既御暮召何疑某方欲欵門已勤命
駕發棠殆不可復敢更希馮婦之下車治齊問所
以安或可延蓋公而避舍

回榮德馬主簿 音之 應靈趙主簿 綸

一麾出守慚非牧御之才同官為僚正藉老成之
助有來下問極仞高情伏惟某官腹溢儒書氣吞
晚輩倚賴巨鰲之釣時來為之低回祥鳳之棲公
等安在諒奏勾朱之最即端薦墨之飛某自笑倦

游何堪共理友其士之仁者行即盍簪忠焉能勿
誨乎更希倒屣其爲傾僣罔旣敷宣

回汶川文主簿

聞覲省之歸未遑一詣辱臨存之寵仍畀屬辭得
非所蒙願竊有復恭惟某官學優而仕德世其家
蕢不第之厚顏雖淹衆論龔好古而篤論自有祖
風少屈鸞栖行看鯤化某濫膺郡寄幸托士鄉將
因其嫌乎將諱其姓乎固非所望吾見其人矣吾
聞其語矣愧莫之酬

回長江李主簿

集卷五

出幕罔功詎堪再辱分符非據恐負三榮所幸在
賢者之邦或可冀忠焉之誨恭惟某官學探聖處
譽藹明時柱史五千言潛心有素鄴侯三萬軸載
腹不遺顧薄蓬萊暫栖枳棘王珣能令公喜不足
爲歟孫寶安得自高聊復爾耳某濫守和義蓋擇
里仁無以我公歸兮便解凝塵之榻事其大夫賢
者惠之止水之盂

普回簿尉監當已下

不願封侯已快盍簪之悃旣見君子又勤銜袖之
文感煖於布帛之言乏報以襜褕之語徒知十襲

莫效七襄

回趙主簿

頂戴登科記知一日之成名跪讀尺素書喜同年
之有子既高陳誼又耻過情恭惟某官賦擅凌雲
文成翻水能吟青玉案學素裕於鯉庭甫縱黃金
羈名果聯於鴈塔暫棲枳棘即上蓬萊某辱託通
家過勤委贄憶曲江杏花之會陪野鶴於未仙尋
平羌江水之流幸海鯨之有種

回崇仁趙主簿

聞公子之翩翩受屢良幸還使臣之靡靡返室自
期將遂識賢預深引領恭惟某官負材開敏迪德
沈恂名千里之駒早騰燕譽振九苞之鳳迄對龍
光便當遡紫以凌青顧屈出朱而入墨會膺鸞表
徑筵鴛行某將拍雪邊傾心日下一詣習主簿台
應勝於讀書獨冷鄭廣文尚從容於歸賦其爲欣
幸罔旣編摩

梅亭先生四六標準卷之三十一

尉

通寧鄉李縣尉尚

一行作吏祭竈鬼以媚飢同官爲僚禱尉仙而徵
福可無殘記先布姓名恭惟某官機量浚明風猷
膚敏千里之馬騏驥顧伏鹽車九罭之魚鱒魴合
登廟鼎鬱鬱赤墀之志匆匆采捧之行茅舍之聽
雞聲孰非王事花村之無犬吠即是民庸人憐橫
水之孤舟誰識倚天之長劍乘除必爾翹跂俟之
某不自力田輒謀耕祿家貧親老誠有待於斗升
官小職輕亦欲伸其尺寸然平生之短朱墨須寮
友之助丹青儻念卑棲難倚掣鰲之釣猶能拍浪
請陪射鴨之弓

通寧鄉陳縣尉愷

我爲祭竈之謀惟鄰是卜公有折腰之役及爾同
寮聞五綵之鼎來盍尺牋之預附恭惟某官潛心
蓄學敏手決科文石陞高定抱南昌之憤青真箭
送暫爲東野之酸狐定蹙於草中蛟何爲乎水裔
某效顰白戰失步朱勾所至賈胡願早酬於一識
不知仙吏竟尚隔於幾塵

回武岡東尉

東膠退士合佐黔中北部英游宜留洛下顧訪湘
纍之悴不辭溧尉之酸恭惟某官材調崇鉉器資
果毅久游雙宇夙閑龍豹之韜學敵萬人足奪貔
貅之氣宜策勳於揄塞顧試步於竹弓繞黃山穿
昆明會當奏揚雄之賦涉赤墀登文石不徒上梅
福之書某自分駑庸甘心雌伏別駕始可展足豈
其然乎同寮敢不盡心乃所望耳

代回湘潭游尉

林

青鞋左計又迷京洛之塵繡段右牋可認瀟湘之

標三二八

二

故誰能執熱此不聽冰恭惟某官胄出清門源流
正學單傳伊洛寧忘厥祖之典刑平視莊騷盍勉
乃翁之文字得解牛於肯綮失射鴨之酸寒行矣
交章從而增秩某重尋故步真是陳人懷鈞天一
餉之榮且然聊爾追汗漫九垓之約行或使之

代回崇仁舒尉

若拙

識中散於雞羣夙有通家之好懷少傅之鵠峙未
諧識面之期飛牋惠然佩意厚甚恭惟某官冠裳
闕閱詩禮典刑無忌即劉牢之甥風流是似鄭公
乃魏謩之祖氣象如存綵棒所臨綠林其遁佇公

侯之必復豈州縣之徒勞某正爾借交偶然浪出
北山馳驛儻無俗駕之勒移東野回頭猶及射堂
之着句

回舒縣尉

再書美最陪賀旅以未能十部華牋感鳴謙之先
辱榮於藏去愧在暗投恭惟某官疏通之才膚敏
於學南昌小隱自當登文石之塗東野壯圖誰可
任通家之漕願少安之無譟孰云多而不揚某芻
狗已陳露螢不暖友其士之仁者敢隱於言今者
人謂斯何恐孤此意更容見可續得表微

回通山廖尉

士正

蓬矢之生厚甚臨存之寵瓜期而往先之謙施之
光似顛倒於衣裳亦輪囷於肝膽恭惟某官美由
世濟才應時湏抱壁中科斗之文人無能識對殿
上龍蛇之影日獨未斜顧爲東野之酸小作南昌
之隱願侯時乎將刈正安結綠之委蛇旣識路又
疾驅忽報飛黃之騰踏勉爲親屈剩了兒癡某已
拜散人足休餘日或出或處漸爲雋軌之踈惟孝
惟忠敢置祝規之敬

回錢唐張尉

屢薦入官明公淹矣一官禦寇前輩願之愧執訊
之不先辱屬辭之見及恭惟某官珪璋之質藻火
其文誦三箴之亡書深於汲古授一編之秘略盍
以濟時顧尋東野之酸來主西湖之勝弓刀閑暇
聊暫為平地之僊文字芳鮮行即入明經之佛某
濫巾畿幕投袂吏塵雙魚書之臨極承厚意九牛
毛之冗聊具報章

代回武進黃尉

大中

曳履罔功我二宜去飛牋見問君獨賢勞恭惟某
官早決儒科晚遊吏役願登文石豈無梅福之書
猶抱竹弓小著孟郊之句有勤魚素見勞雉工某
自揣頭顱難司喉舌已控挂冠之請聞命即行敢
因授簡之歸占辭奉報

回善化黃尉

習委吏之會計正爾卑棲聞飛仙之遨遊超然高
隱方圖執訊先辱飛牋恭惟某官文獻名流典刑
勝士為公室輔家夙近於魁三有伯父風學諒求
於已百顧紆塗轍小試弓刀河西之尉淒涼不常
厥邑湖南之地清絕幸疾其驅行即交章亟膺剡
辟某冥心祭竈迫命代尉短主簿髯參軍總無關

於喜怒殫落英飲墜露願同廣於離騷

回新威遠王縣尉 癸之

題千佛之經夙聞秀望試五采之棒似屈長材有
來委翰之勤良動得朋之喜恭惟某官天葩揆藻
地芥拾科頌聖主之得賢定是雲仍之派移忠臣
而爲孝固諧風土之宜若爲翰墨之材肯就弓刀
之役月明靜夜應無犬吠之聲雲入古廳小寓燕
巢之會東野寧淹於射鴨南昌會見於參鸞某濫
守郡符幸聯王事瓊玖匪報永以爲好也聊飭魚
緘珠玉將至得無修容乎惟占騎氣

標三十一

北

回新榮德郭縣尉 光時

效官錦里昔未識賢乘障斗州今將聯事鳴謙委
况擊節拜嘉伏惟某官摘藻天葩決科地芥待公
車之詔誰明東郭之賢涉文石之塗還作南昌之
隱顧慙陋邑恐負英躔然代公實發軔於通泉至
尚父亦奮身於長史繼其風烈將在雲仍無嫌射
鴨之弓即引穿鷗之箭某出幕十暑試郡一寒同
僚敢不盡心必蒙愛助一官願爲禦寇更幸疾驅

回新應靈趙縣尉 与標

一門父子謂皆分唐叔之珪五色神仙顧少屈趙

家之玉有來委翰知可得朋恭惟某官千里名駒
九苞威鳳宗室隨二千石飽聞議論之高文章長
萬丈光坐想垠崖之豁况已摩空而奏賦不難趾
美以決科何爲渭北清新之材乃屈河西淒涼之
職吟竹弓之射姑昌東野之詩登文石之塗即上
南昌之疏某舊交中壘今見休侯正望弓刀帖鼠
竊狗偷之警却從筆硯窺蛇神牛鬼之奇

回新資陽曹縣尉

趣曹裝而東上莫企風帆試梅隱以西還未瞻星
表方規賀謁已沐贄牋伏惟某官學有家傳文爲

標三十九

國緯偉然九尺之幹輔以八斗之材進士論定然
後官之久宜脫穎公等安在何見晚也今始奪袍
折腰暫就於河西入幕即空於冀北某濫茲假守
幸可借交以公歸弓正望發棠之惠無吾以也更
希拔薤之規

回新遂寧長江張縣尉

瞻海上之槎恨差池於八月取圯下之履望傳授
之一編袖牋臨之展卷愧甚恭惟某官負材孔碩
蓄學不貲英英脩月之文飄飄凌雲之賦朝華本
高於夕秀夙知乃墜於暮成入對大庭良負誦書

之三篋出次遠闕尚賢不調之十年况長江素委
之詩人豈市門可淹於仙吏暫返輕舟於吳會即
歸大老於周家某甫欲款門先蒙命駕以霸陵李
將軍之老僮不見呵則天上張公子之賢敢忘加敬

回王縣尉

昌大

訪南榮之隱冒懷太守之章宣北部之威正藉少
公之捧有來委翰良仞垂情恭惟某官科級高華
器能膚敏試竹弓之射不辭東野之酸寒登文石
之塗行繼南昌之謹直功名之會磨厲以須某出
幕星終得州斗大身鮮勿撓固當謹庭戶之脩吠

標

七

犬不驚是則藉弓刀之助

回秦縣尉謝差校正

九部

善繼人志當為黃素之校讎肯從吾游小試丹鉛
之點勘表微愧甚嘗巧可乎恭惟某官心夷而志
崇齒新而意宿試劔馳馬早欲範王良之驅游刃
解牛今將進庖丁之道綵捧行施於北部青氈會
憶於西崑今開萬卷餘義理在文辭之表端能幾
字正始終有條理之科所望遠來之朋共成相觀
之善卿自用卿法在良弓之子必學為箕人患為
人師然它山之石可以攻玉

梅亭先生四六標準卷之三十七

監官

代回新監鄂州大軍向

十一芳

五雉分工謬叨誤渥雙魚尺素良認故情恭惟某
官胄出高華才猷秀整所謂故國非喬木蓋有典
刑不知公子是監倉誰相料理無忘澤霧更與培
風某罔功雲司攝長水部血氣既衰戒在得何敢
忘耶田園將蕪胡不歸兆足行矣

回向監倉

老我勾閑濫分丈二之組故人委重遠貽咫尺之
書倚檐報之搖毫率甚恭惟某官象賢易奕燕譽
飛騰大耐官職之餘暫司倉粟小試山林之久遂
及成瓜駕賢業而心馳佇薦書之交上某更勤來
問仍費屬辭腐於力弱於才無能為役問則告疑
則辨敢愛乎言

回宣城劉監稅

趣譏征之期仕未能信講交承之好禮辱相先既
登受之未安欲捲還而不敢藏惟深於十襲報敢
廢於七襄恭惟某官學本家傳美由世濟凜凜更
生之志節博以羣書英英夢得之詞章雄於一代

顧從三語之椽復甘再轉之丞勇尋葛井之神仙
遂作宣州之賓客左右望而罔市爲政在人貨賄
掌其征墨生財有道迄參幕畫入贊藩條馬也守
閭雖少淹於歲月鳳焉巢閣即徑上於雲霄其聞
詩於庭干祿以闕抱關非耻方浪爲鎖棘之謀得
闕正賒敢躡異及瓜之代藉使承竹馬之棄亦未
得蕉鹿之真敢圖臺隸之臨許論子孫之契去之
日如始至知來者之家成舊之政必告新敢因之
而請益

回郟縣侯監稅

標三十七

無隴西李博之材濫茲巢幕有夷門侯嬴之智亦
爾抱關委贄相先報章敢後恭惟某官學卑衆楚
家近三蘇初曳枯荷難裹崔嵬之氣筆攜玄草漫
爲拓落之官暫屈關譏聊從吏隱佇漢庭之用老
從吳市以登仙其未洗袴袍辱迂車轍載披郇翰
有言何至於失人儻憶郟筒無酒或容於酤我

回高監稅李巡檢

區區薦士蓋採公言疊疊陳牋何勤私謝所願激
昂於事業庶無孤負於品題報不成章言不盡意

回江監酒

名門諸彥夙忻投分之多計幕一時茲有爲寮之
幸欲修辭而不敏愧執訊之相先恭惟某官材本
家傳美由世濟英辭倚馬秀子弟芝蘭之階喜色
乘龍隱王孫芙蓉之褥尚何事麴蘖之託居然營
糟粕之餘郎君可是筦庫人聊復爾耳碧香竊比
主家釀將有望焉苟無平原督郵之嘲會博涼州
刺史之任其自安飲水敢望啜醪交公瑾如醇醪
將從今始爲穆生設醴酒幸勿我忘

回李監酒

景初

元辛之號重光天回西顧剛卯之稱單闕日麗東

卷三十一

迎亨在泰通祥因履考恭惟某官清材族達懿識
規圓蒼璧絕瑕彌聳日評之望青旗簇仗行登元
會之班諒對於菟顧兔之交益介食蛤踞龜之壽
其尚稽賀牘過辱頌言尚可歸田正有望土牛之
送不堪立仗詎肯希櫪馬之喧

回新榮州史監酒

季儉

鳳凰千仞昔聞將下而復飛鯉魚尺書今見肯來
之甚惠有勤委贄敢廢報章伏惟某官胄出典刑
家傳忠烈振振公姓不肯附黃閣之家挺挺祖風
殆欲伏青蒲之節謂立登於膺仕顧小隱於步兵

惟是三榮之陋哉詎堪再辱於賢者以邑不改井
竟困井遷有民此有財不勝財竭所謂蠅頭之入
全仰犢鼻之酤郎君可是管庫人聊復爾耳先生
未出禁酒國幸疾驅之某尚耳強顏真成厲尾一
郡之政守與酒因利利之衆人皆醉我獨醒執事
事也

回史監酒

文舒

同官爲寮輒剡公車之牘薦賢報國豈取私室之
恩一謙之撝三復以愧恭惟某官美由世濟材應
時須舉瓢而酌天漿更觀遠業明經而拾地芥佇
决魏科將猶錐之處囊中何止羅而致幕下某每
勤婉畫良覺賢勞推轂有味其言式稽于衆引鼎
不程其力姑見此心

回新榮州家監酒

民獻

某乏蒲萄之博郡既竭吾才累糟粕以築臺徒得
君重顧念步兵隱嗣宗之職何勤天王使家父之
來恭惟某官業精于勤學優則仕族庖之刀有餘
刃爭自致於功名良弓之子必爲箕諒夙精於詩
禮少時嘗讀醉鄉記郎君可是管庫人惟此三榮
之窮仰於一醉之富官且多且多且官當辨聖賢私

勝公公勝私在權子母惟尊不空而客常滿則人
皆醉而我獨醒引勝地於一盃趣朝天於三斗某
啜醜何有罰耐是憂爾來三月寔無塩不堪寡助
破除萬事何過酒切幸疾驅

回周監酒

孝燮

叨恩試郡正懼曠疎聯事為寮幸逢名勝愧陳箋
之不敏辱垂問之相先伏惟某官抱負恢宏典刑
膚碩暫屈糟丘之隱小試清醇諒知酒誥之篇益
加醲郁佇階騰踏即踐高華某老矣倦游冒焉遠
戍對北海而捉私釀免俗未能交公瑾如飲醇醪

八標三十七

同寅是望其為傾僂罔既敷陳

回榮州呂監酒

逢年

守榮黎之徼方幸終更分通義之符海叨詳試有
勤下問益仞高情恭惟某官學有家傳材高世濟
故國非喬木之謂蓋有箕裘惠風比崇蘭之光有
華階序會即登於玉筍式並美於金屏某前者為
僚茲焉改戍猶蒙獎借及於芻狗之陳要是飄流
念在尊鱸之熟

回監叙州奈帛庫張

世永

海上八月之仙槎昔幸逢於博望山下十年之老

石今再遇於穀城淒其一夢之驚愧此尺箋之貺
恭惟某官風標靖重器識端溫近世名卿疇若乃
翁之清介當家奧學定存是似之典刑紆餘入幕
之賓協相摘山之畫春風萱草承燕喜之慈顏秋
露蘭芽已蟬聯於宦牒佇觀濟美還入旁招某叨
領暮願獲迎鷁首見名駒之汗血良慰故情懷野
鶴於未仙還悲往事

回趙舡場

必乎

巨川作楫夙知家學之高野水橫舟謾借時材之
重袖長戔而見界搔短髮以懷慚恭惟某官籍甚

標三二七

六

宗英蔚然相種若射有志已穿鵬鷲於西風其釣
維何行掣鯨魚於東海顧屈箕裘之學暫司剡剡
之工當斧斤閒暇之時聊聽數聲之鶴唳收文字
芳鮮之績即看萬斛之龍驤某巢幕非材濫巾有
醜登天而攀蜀道昔逢峽水之倒流航海而溯斗
門今覺村船之逆上幸百聞之一見及異事而同
寮胡越協心何況不殊於臭味魁台齊色尚期勉
繼於芳馨

回新添差趙監押

懦緩無庸濫分郡寄戎昭且整將倚宗英貽書粲

然陳誼厚甚文有勤於四六感益倍於尋常恭惟
某官胄出文昭學深武略振振麟定夙高趾角之
仁肅肅兔冒合任腹心之選以斗州之甚褊辱天
族之肯來桴鼓不驚藩維自壯某獲叨聯事將幸
分憂察閭里之姦邪願無犬吠冠宗室之議論庶
歛燕談

回龔監獄

良臣

懷湘屈之清來隱城池之上聞楚龔之潔實在邦
域之中方圖玃箋已沐注記恭惟某官器資庸敏
業履端方清淑炳衡嶽之靈忠信挺巫峰之秀學

標三十七

十

歐陽子端是百年能幾見之人師昌黎公頗有四
舉乃一得之歎謂高登於雲路乃勇退於急流洵
奉真祠益彰雅操寧與騏驥將與雞鶩甘從考澗
之槃小不虺蜮大不鯨鯢可見在山之潤紅藥猶
堪於傍砌青蒲會報於裏輪某拙不喻人猶弗諧
世誨諸生於館下以冗見治試別駕於治中何卑
敢憚正擬編蒲之暇欵求拔莠之規居是邦事其
大夫願依賢者舉進士吾爲同業能勿誨乎

回史監廟

龜

十年出幕濫分和義之麾千室鳴絃將竊依仁之

益未皇淮記先沐蜚戩恭惟某官行無瑕玼學有
源委儒林發藻不難地芥之收簿枳擇棲行踐天
衢之直某立朝無補乘障非材火兩焰之生巾真
成妖夢水一盂而窺戶更望忠規請謁非遙占謝
惟略

梅亭先生四六標準卷之三十七

梅亭先生四六標準卷之三十七
益未皇淮記先沐蜚戩恭惟某官行無瑕玼學有
源委儒林發藻不難地芥之收簿枳擇棲行踐天
衢之直某立朝無補乘障非材火兩焰之生巾真
成妖夢水一盂而窺戶更望忠規請謁非遙占謝
惟略

梅亭先生四六標準卷之三十八

學職

謝永州鄭學諭

一聽履聲已喜似人之見載披手畢更欽博我之
文得非所蒙願竊有復恭惟某官學探聖蹟秀出
愚溪窮司農之經諒皆殫洽客廣文之舍大似淹
回佇即摘髭亟其奮翼某不能教胄有負轉丞儻
簿書獄訟之餘其交以道則道德性命之理當誦
所聞

謝張學諭

元之

六標

吟墻竹之公事自分龍耳承聞泮林之好音還成伎
養亟裁四六就謝萬分恭惟某人氣韻淑均風猷
膚敏尋西塞桃花之鯁豈其河鯉之逢思東吳蕞
菜之鱸行矣滇鯤之化無厭俗情之傲贅即觀鄉
賦之按尤某聊爾治中奚勞賀上膺何如昔已無
可取之楷模籍也抱能尚可相從於閭里

回唐學錄

淵

題輿非據箝帑尾以何心銜袖見貽羨筆頭之有
口一謙厚甚三復悚然恭惟某官清挹畹蘭秀分
泮藻蒙開蜀道諒餘挺挺之風勒讀楚詞定出遙

遙之宵佇帝庭之大對豈鄉校之久淹某教習無庸負丞有覲露繁天豁有慙南嶽之鳳鳴澗愧林慚但覺北山之鶴怨

回吳學正

應龍

洗塵土之袍未皇請益披月露之牘良佩鳴謙藏以爲榮報於何有恭惟某官風猷凝遠天韻淑均炳扶輿磅礴之靈富詰屈聳牙之學生九辯九歌之地豈自隔於脩門挾八戰八克之能將差強於敵國四六且工於駢儷三千足想於縱橫某有幸依仁過勤委贄故將軍之雌伏難言李廣之無雙

新進士之龍飛惟祝吳公之第一

回卓學諭

邁

聞凌雲之作方幸友仁拜明月之投更高陳義不知所報藏去爲榮恭惟某官秀出閩中僑游黔鄙橫經重席方依夫子之宮墻問舍求田豈爲王孫之僮客佇摘髭於名第即策足於要津某教習無庸負丞何筭揚脩有智但欽絕妙之受辛韓子非才頗覺長慙於典午

回寧鄉魏學正

抗塵縣掾真成拓落之官引領黨庠知有著明之

彥未瞻文席先沐尺書恭惟某官漢相雲仍鄭公
風烈北多良馬老伏櫪之駿厖南有嘉魚秩賓筵
之燕衍正爾稟人之繼粟何如天子之執紼佇裹
蒲輪即空蕙帳某盍請鄰而祭竈顧越俎以代庖
禮貌衰則去之友其士之仁者會計當而已矣忠
焉能勿誨乎

回魏教諭得一

旅進接辭未皇款曲謙撝委贄備叨勤渠所慙枵
然之曾有孤厚甚之意恭惟某官故家古汴久客
都梁渾渾無涯窮虞夏商周之奧義挺挺有烈願
皐薑稷契之良臣昨膺水漕之計偕盍對天堦之
親策暫留鴉伴行奮鷗溟某教胄非材負承知愧
友其士之仁者盍有望於名邦忠焉能勿誨乎詎
敢當於溢美

回彭學賓 居仁

觀國之賓顧屈習鄉之齒愛人以德何勤博我之
文一謙惠然三復感甚恭惟某官夙充嶽貢見謂
楚材子佩明經詎肯受安昌之薦錢鏗好古祇欲
為孔子之徒行膺拾芥之科寧久采芹之客某自
慙學落更愧名浮憂則違之賴不失黔中之上佐

士之仁者當或憐澤畔之大夫

回朱齋長

茲蒙謙巽又復責臨退而歌鹿鳴之三何止重車
渠之百蟾枝鵬路所有更以贈君燕夏鶯喬此言
何為至我

回趙省元 易學論

茲承纒履寵臨鳴謙垂責柳子之業甚淺未見可
師李翊之問何恭恐孤求益伏惟某官器函趙璧
學貫義園家人則有嚴君觀復不遠主器莫若長
子幹蟲蠶奚先惟精研三聖之書且博究九師之傳
鴻漸之為儀可必鶴鳴之好爵何逃 某屯 蹇餘生
乾坤長物相從講朋友之允不亦悅乎然有非頰
舌之咸所能宣者

回宋直學 學詩 侯貢士 友德 史掌儀 霆

楊贊講 大介

宗西漢之文詞未皇請益祖東坡之翰墨猥辱鳴
謙所願就有道而正焉敢恨何相見之晚也恭惟
某官岷峨山立江漢淵澄晏如揚雄固已度越於
諸子飄然李白詎容流落於六丁無忘澤豹以培
鵬會即騰蛟而起鳳 某 再鼓愈淡五技已窮嘗聞

進士

回李校正

息肩屬爾未遂見賢振履登然猥勤委贄退而展
玩悚若感慚恭惟某官作賦摩空成文翻水飄然
太白空望眼於岷峨籍甚仲元輩脩名於夷惠若
為將仕之諾當淹行秘之書暫客諸侯無謂道旁
之苦行賓王國即為席上之珍某得姓偶同卜隣
不敏事其賢者友其仁者足慰遠游愛勿勞乎忠
勿誨乎尚希餘論

代回曾祕校

炳

世契

標廿八

故人有子昂然野鶴之標妙語及門副以家雞之
帖恍如喚夢殆不勝情恭惟某人自出清門不為
俗學接茶山先生之孤信有委而有源繼郴陽從
事之賢諒肯堂而肯播有懷父黨見惠客鄉共阿
戎談自覺後生之可畏薦襴衡表孰知餘力之不
任姑記九苞鳳之祥徐思千里馬之報

代回陳宣教

植

世契

紅蓮綠水談舊事以無人翠竹碧梧喜故人之有
子投文為惠陳義甚高恭惟某官闕閱芳華典刑
炳蔚墳麓伯仲皆軒然之秀金玉氣質疑小者之

佳早騰吐鳳之詞夙記鳴蟬之賦雖偶遺於世祿
會自奮於儒科觀其紙上之辭此豈池中之物柳
宗元之記先友賸有人焉山巨源之念遺孤焉知
來者某有懷世契幸及英游思不忘久要之言旣
聞耳矣有可相料理之處願盡心焉

代回廖宣義

慶成

共阿戎談獨未見其父耳作靈光賦果有異於人
乎申之雄箋展也厚意恭惟某官清門有奕素學
甚都安在何見晚耶小淹賢業幸哉有子如此足
表義方頗聞及瓜已戒行李願念江湖之賜號亦
勤煙霧之勒移想象朝雲已覺鋪張之巧扶持夜
燎更勞駢儷之工某無以報瓊重於辭璧靈椿一
而僊桂五歧予望之胡琴四而鹿鳴三聊相復也

回韋省元

患在爲師濫綴虞庠之屬惠而好我獲窺唐律之
工恭惟某人詩解人頤句穿月脇金籟一經之學
信有家傳蒲帆百尺之風勉爲國許某有勤投璧
所乏報瓊鄉人之善好之玄遂忘其尚白後生焉
知來者青正望於出藍

代回孫秘校

暄

薄宦走何筮躡升五雉故人
有孫宰忽寄雙魚恭惟某官
學業甚均交情未愆重憐瓠
落壯不如人矧復蒲凋老當
佚我與其佩水蒼而徒爾不
如飲山綠而終焉某自揣頭
顛難司喉舌未能免俗復叨
曳履之榮豈不懷歸已動挂
冠之興

代回辛宣教

穰

辨謗

惠以朋箋申之儷語辨先正之謗勁氣凜然叙通
家之情高懷厚甚恭惟某人象賢濟美燕譽蜚英
李師中之讀書不難擢第王文正之有子猶未沾
恩是非以久而明公侯必復其始一生一死詎敢
為程公之交三沐三熏所望聽韓子之說某緬懷
契闊倍有盡傷吾言之聽者誰歟法當小待子歸
而求有餘也願益自強

代回曾祕校

三益

共千里之月猶愆半面之期寄五朵之雲仍負隔
年之債雖迷於復實感所蒙恭惟某人咳唾成珠
弟兄連璧素所蓄積捲湖海之波瀾作為文章粲
朝廷之翰墨公等安在吾道非耶某日旣薄西星
猶拱北邯鄲借枕雖重游廣樂之天神武挂冠行
將老菟裘之地如君善頌非我敢知

回蹇秘校

茲蒙盛服見賁長箋吾政何及公言耶深慙溢美
是邦友其士仁者尚賴告忠至如社廩之儲尤賴
里仁之唱并此叙謝兼布願言

回袁進士

此君將無是乎愧識賢之不早公等何見晚也辱
委贄以甚恭景星負先觀之懷明月重暗投之恨
恭惟其人器資凝遠業履端溫文章滿家有擘天
葩之吐俊又觀國何難地芥之收始疑泄柳之閉
門今感任棠之出戶某濫分小壘又避正堂聞高
論傾枚鄒何嫌末至見刺史即周孔則不敢知

回景省元

所求乎友未能方深訟愧不見諸侯何義始辱臨
存有勤委贄之華寧恨盍簪之晚恭惟某官曾蟠
義氣腹溢儒書春登孟子之門固妾婦儀秦之學
差入子貢之室定奴僕屈宋之騷其在雲仍諒有
風烈况已入地官之獻佇亟膺天網之收某假守
非材識賢不早當戶而見龐守既俎豆子避堂而
舍蓋公無金玉爾

回尋進士

救荒

某問隱遯之肥見賢不早揀流離之瘠借助良多
方圖草具以盍簪遽厚英詞之銜袖伏惟某官才
高時輩與藹月評不見諸侯若小然方踰垣而閉
戶爲食於路待餓者乃被髮以纓冠思飢諒切於
已飢獨樂孰如於衆樂彼或以鄰國而爲壑此獨
耻匹夫之納溝相友助相扶持得人焉耳無衆寡
無小大易地則然某假守蒙成強顏逃責旣見君
子已忻慰趨趨之蚤爰及矜人要共念嗷嗷之鴈

回蘇秘校

榮祖

九州四海知有百年幾見之家五兩半通偶在一

樵三十八

翁二季之里世濟其美吾見其孫恭惟某人規矩
高曾淵源師友黃樓一河水親承宗派之傳青松
三萬栽更覺孫枝之茂佇用元祐之學入對蓬萊
之宮某爲長於斯得人焉耳袴歌今五詎能及廉
叔之暮來樓近古三儻肯爲黎侯而晚賦

回蘇秘校

丞

孤雲落照敢言歌樂職之聲名山大川疑尚有英
靈之氣在賢者識其大者慙有之是以似之恭惟
某人學有家傳文必已出不作人間煙火之語宜
在天上雲霧之窻遙遙賈誼之有嘉挺挺魏謩之

似證子弟何預人事兒郎自有家風力行所知不
聞亦式某竭來假守獲識真儒松聲聞十里之風
幸同臭味茲本置一盃之水更望箴規

回蘇貢士辰之

下第

童而挾策莫非誦眉山之書老矣懷章六獲守通
德之里未皇下榻先辱踵門恭惟某人學有官庭
詞為枝葉承老翁青松之植擅幼婦黃絹之才平
時謾說古戰場豈料還迷於五色歸家但草凌雲
賦會將放出於一頭某正愧遺賢願勤委贄貧家
見珠貝真成負眩晃之羞使君洗樽壘行欲致荒

標三二八

十一

唐之謝

回孫省元 和之

吟風弄月之歸未皇請益裁霧縫雲之作猥辱擊
蒙喜聞足音仍拜手畢恭惟某人學行之上世載
其美古稱閉戶之先生豈其苗裔近耻呈身之御
史始有典刑久江湖魏闕之遊識伊洛濂溪之派
知其主信其客必窮游夏之淵源加其膏希其光
詎止御雲之黼黻某未皇避舍猥辱踵門一辦薰
南豐之香願觀卒業幅巾援東坡之筆嗣得乞言

梅亭先生四六標準卷之三十八

唐

唐



